



UNIVERSITÄTS-  
BIBLIOTHEK  
PADERBORN

**Iosephi Vicecomitis Ambrosiani Collegii Doctoris  
Observationes Ecclesiasticæ In quo [!] de Antiquis  
Baptismi Ritibus, ac Cæremonijs agitur**

**Visconti, Giuseppe**

**Parisii, 1618**

Cap. 26. De pace baptizatis impertiri solita.

---

[urn:nbn:de:hbz:466:1-64585](https://nbn-resolving.org/urn:nbn:de:hbz:466:1-64585)

Cerei dan-  
di vestigiū  
manet in  
Ecclesia.

rei pars supererat: quæ aliis septem diebus ar-  
dendo sufficere nequibat. Igitur in aliis Ec-  
clesiæ vsus seruabatur. Nos autem pleraque  
horum non agnoscimus, aduulorum baptismo  
iam diu obsoleto: manent tamen aliqua, qui-  
bus veteris Ecclesiæ faciem intueri licet. Nam  
& baptizatis adultis cereum in manum da-  
mus; & cum pueri sacro lauacro expiantur,  
susceptores eundem cereum præ manibus te-  
nent. Quod est certissimum antiquæ consue-  
tudinis vestigium.

*De pace baptizatis impertiri solita.*

C A P. XXVI.

Minister  
pacē dabat  
baptizato.

**I**Nerat quoq; in hoc fidei nostræ sacramen-  
to insigne mutæ fouendæ charitatis argu-  
mentum; quod tunc maximè cernebatur, cum  
minister baptizato verbis conceptis pacem  
nunciabat. Cuius ne qua omnino subsit habi-  
tatio, expendat quæso lector quæ ad eam rem  
aptissimè Author Ord. Rom scribat tit. de sab.  
S. in die. qui adeo luculenter eum ritum ex-  
pressit; vt nihil addi posse videatur. In eius-  
dem capitis initio ita positum inuenies. *Pomi-  
fex ergo egreditur à fonte in sacrarium, habens ibi  
compositam sedem, vt in Ecclesia, ubi voluerit, &  
sedeat in ea, & cum vestiti fuerint infantes, confir-  
met eos. & deportantur ipsi infantes ante eum, &  
dat singulis stolam candidam, & chrisimale, & de-  
cem siliquas, dicens: accipe vestem candidam, &*

*immaculatam, quam perferas ante tribunal Domini  
 iudicis Iesu Christi in vitam aeternam. pax tibi.* Possu-  
 mus tamen ad pleniorum eiusdem rei proba-  
 tionem alterum testimonium ex Actis S. Lug-  
 duni adiciere, in quibus metio est, duos ex Fri-  
 siae infantibus, quos ille a viro, clericali militie  
 nequaquam adscripto, baptizandos curauerat,  
 priusquam Confirmationis caractere insigni-  
 rentur. pacem ab Episcopo suscepisse, cum  
 aione: *est. de im infantibus baptizavit: qui omnes in  
 albis defuncti sunt, exceptis duobus, quos sanctus sa-  
 cerdos, pace rediit, sancti chrismatu inunctione, &  
 manuum impositione firmavit.* Ex quibus mani-  
 feste colligitur, hanc impertendam pacis con-  
 suetudinem peculiarem baptismi ritum fuisse:  
 cum nec confirmationis caeremonia esse potu-  
 erit, quia ante illam peragebatur, nec in alterius  
 rei sacra ritibus poni possit, quoniam bap-  
 tismi sacramentum statim confirmatio sequeba-  
 tur. Cum multae autem rationes eius consue-  
 tudinis afferti possint, tamen illa verior, & il-  
 lustrior esse videtur, quam paulo ante innui-  
 mus, ut nimirum ostenderent, nos per bap-  
 tismum in Ecclesiae Christianae membra velut  
 arctissimis fidei, spei, charitatisq; vinculis co-  
 pulari, vnde ex multis gentibus natura, lingua,  
 & regione diuersis, caelesti munere conspiran-  
 tibus, iuncta velut acies ad pugnam instructa,  
 suis hostibus formidabilis incedit. Mos enim  
 erat, apud omnes Christianos passim receptus,  
 ut, quaecumque Christianae societatis, &  
 communionis signum exhibendum erat, pa-  
 cem sibi mutuo impertirent. Qua de causa &

Ddd iij

Cur pax  
 daretur, ba-  
 ptizato.

Pax erat  
 signu Chri-  
 stianae so-  
 cietatis.

Pax in Mis-  
sa sacrifi-  
cio.  
S. Pauli E-  
pistolae le-  
gentibus  
pax imper-  
turbatur.

Pacis nun-  
cianda post  
baptismū  
mos quā  
do, & cur  
abrogatus.  
Germani  
ritum pa-  
cis post  
baptismum  
impartien-  
dā retinēt,  
& quoties  
illō utan-  
tur.

in Missæ sacrificio pacem semel, iterumque  
nunciabant: sicut suo loco probabitur: &  
cū S. Pauli Epistolæ ad diuersas gentes scri-  
ptæ legebantur, earum lectori dicere sole-  
bant: *Pax tecum.* Quod S. Augustinus clare  
demonstrat Epist. ad Generos. cū ait: *quid  
autem peruersus, & insanus, quā lecturibus ec-  
clesiarum pace separari, quibus ipsa Epistole scri-  
ptæ sunt?* Eo enim loco S. Augustinus de Pauli  
Apostolorum corinthæi epistolis loquitur: in  
quibus legendis stolidi, ac planè dementis  
esse, ait, pacem accipere, reddere uè illum,  
qui ab ijs, ad quos illæ scriptæ, sunt fide, ac  
religione dissentiat. Nos tamen eam consue-  
tudinem non habemus DCCC. ferè ab hinc  
annis; quia peruulgata in totum orbem Chri-  
sti fide, communionis, signa præbere necesse  
non est; præsertim aduulorum baptisinate su-  
blato, qui soli accipiendæ, & reddendæ paci  
habiles, & idonei habentur. Quamquam  
Germani veterem morem sequi maluerunt,  
quibus non modò post baptismum, sed etiam  
ante cū sal consecratum in os insertum,  
olei catechumenorum unctio, & chrisimatis  
in vertice peracta est, pacem impartiri, do-  
cet Ioannes Iacobus Salisburgensis Archie-  
piscopus in Manuali Parochorum, & aliorum  
curam animarum habentium de sacramen-  
t. baptis. cap. 5. Cuius quia nusquam alibi men-  
tionem fieri comperio, singularem eius na-  
tionis consuetudinem esse, crediderim.